

Script of Morning Gojri News Bulletin 15 November 2024 at 1015Hrs

مارننگ گو جری نیوز بلیٹن مورخہ 15 نومبر 2024

یوہ آکا شوانی جموں ہے عبدالمجید تیں خبر سنو۔

Prez Janjatiya

صدر جمہوریہ درویدی مرمو نے کہیو ہے جے مُلک صحیح معنیٰ مانہ ترقی یا فتنہ تد ہی بنے غوجہ قبائلی لوک وی ترقی یا فتنہ ویں گا۔ کل شام جن جا تہ گورو دیوس غا موقعہ و ر قوم نال خطاب کرتاں واں صدر نے کہیو جے قبائلی برادریاں غا لوکاں غی تیز رفتار ترقی قومی ترجیح ہے۔ اُنہاں نے کہیو جے مُلک چاوے جے قبائلی برادریاں غی صدیاں پرانی شناخت برقرار رہے تے اس غے نال نال وے جدید ترقی غی راہ ور گامزن رہیں۔

PM Jantaiya

وزیر اعظم نریندر مو دی جن جا تہ گورو دیوس غی یا دگا ر تے برسا مُنڈا غا 150 واں یوم پیدائش غی تقریبات غا آغاز غا موقعہ و راج بھار غا جموئی غو دورو کریں گا۔ اس موقعہ ور وے برسا مُنڈا غا اعزاز مانہ اک یاد گار ی سگہ تے ڈاک ٹکٹ غی نقاب کشائی کریں گا۔ وزیر اعظم دیہی علاقہ مانہ قبائلی برادری غی ترقی واسطے 6 ہزار 6 سو 40 کروڑ روپیاں تیں زیادہ غا ترقیاتی پروجیکٹاں غو افتتاح تے سنگ بنیا د رکھیں گا۔ جناب مو دی پردھان منتری جن جا تہ آدیواسی نیایا مہا ابھیان ”پی ایم جن من“ غے تحت بنایا گیا 11 ہزار کہراں غا گرہ پر ویش مانہ شرکت کریں گا، تے اضافی گشتی میڈیکل یونٹس غو وی افتتاح کریں گا۔

CM Meet Prez

وزیر اعلیٰ عمر عبداللہ نے بیتے تہاڑے نوی دہلی مانہ راشٹر پتی بھون مانہ صدر جمہوریہ درویدی مرمو نال ملاقات کی۔ گذشتہ مہینے وزیر اعلیٰ غو عہدو سنبھال تیں بعد وزیر اعلیٰ غو یوہ دورہ اک اہم قدم ہے۔ وزیر اعلیٰ اج وزیر خزانہ نرملا سیتھا رمن نال وی ملاقات کریں گا۔

Chief Secretary

چیف سیکریٹری اتل ڈلو نے سروس سلیکشن رکیورٹ منٹ بورڈ نانہ یوٹی مانہ بھرتی غا عمل نانہ تیز کرن تے مقررہ وقت مانہ مکمل کرن غی ہدایت جاری کیں ہیں۔ ایس ایس آر بی غے ذریعے شروع کیا گیا بھرتی غا عمل غو جائزو لین غی خاطر اک جائزہ میٹنگ مانہ جناب ڈلو نے بھرتی عمل غا سلسلہ مانہ سالانہ کلینڈر بنان واسطے کہیو تا نجے اُمیدواراں نانہ اس غا بارہ مانہ واضح اندازو ہو جا ئے۔ میٹنگ مانہ دسیو گیو جے 2019 تیں ہون توڑی 22 ہزار 6 سو 24 آسامیں پُر کی گئی ہیں تے 8 سو 74 مزید آسامیاں واسطے عمل نانہ حتمی شکل دتی جا رہی ہے۔ 4 ہزار 9 سو 21 آسامیاں واسطے مقابلہ جا تی امتحان آئندہ ہفتہ مانہ منعقد کیا جا رہیا ہیں۔

Police Transfers

لیفٹنٹ گو رنر انتظامیہ نے بکھ بکھ ضلعان غا ایس ایس پیز سمیت 38 پولیس افسراں غی تقرری تے تبادلاں غا احکامات جا ری کیا ہیں۔ اک حکم نامہ غے مطابق ایس ایس پی سندپ وزیر غو اے سی بی تیں تبادلو کر غے اے آئی جی پر سنل پی ایچ قیو جد کہ گوریندر سنگھ نانہ ڈائریکٹر پولیس ٹیلی کمیکشن تعینات کیو گیوے۔ راجیش کمار شرما نانہ ایس ایس پی سکیورٹی جموں، گورو سیکروار نانہ ایس ایس پی راجو ری، وریندر سنگھ منہا س نانہ ایس ایس پی سانبہ، سندپ کمار مہتا نانہ ایس ایس پی ڈوڈہ تعینات کیو گیوے۔ اس غے علا وہ شفقت حسین نواں ایس ایس پی پونچھ تے پریم ویر سنگھ ایس ایس پی ریا سی تعینات تعینات کیا گیا ہیں۔

Pension Verofication

جموں کشمیر سرکار نے پنشن حاصل کرن آلاں غی جسمانی تصدیق واسطے آخری تاریخ 30 نومبر 2024 تک بدھا دتی ہے۔ خزانہ بارے محکمہ نے اک حکم نامہ مانہ دسیو ہے جے جموں کشمیر مانہ پنشن حاصل کرن آلا تمام لوکاں غی تصدیق غو عمل مکمل نہیں ہوو تے اس غے پیش نظر آخری تاریخ 30 نومبر توڑی بدھائی گئی ہے۔

Gurpurb

ملک پھر غے نال نال ساری دُنیا مانہ آج گورو نانک جینتی یاہ گُر پو رب مذہبی عقیدت نال منایو جا رہیو ہے۔ سکھ مذہب غا بانی تے پہلا گورو گورو نانک جی غو اس سال 5 سو 55 ووں جنم تہاڑو ہے۔ اج غے تہاڑے دُنیا پھر غا سکھ عقیدت مند خصوصی عبادت کریں۔

Prez Message

صدر جمہوریہ دروپدی مُرمو، نائب صدر جگدیپ دھنکڑ تے وزیر اعظم نریندر مو دی نے لوکاں نانہ گورو نانک غا پرکاش پرو غا موقعہ و ر مہا رکباد دتی ہیں۔ جموں کشمیر غا لیفٹنٹ گو رنر منوج سنہا، وزیر اعلیٰ عمر عبد اللہ نے وی گورو نانک دیو جی غا پرکاش پرو غا موقعہ و ر لوکاں نانہ مہا رکباد پیش کی ہے۔

Tribal Fest

جموں کشمیر مانہ ضلع کشتواڑ غی ضلع انتظامیہ تا ریخی چوگان گراؤنڈ مانہ آج اک میگا ٹرائبل فیسٹ یعنی ”قبائلی میلہ“ غی میزبانی کر رہی ہے۔ آکاشوانی جموں غا نامہ نگار نے اطلاع دتی ہے جے یوہ تہوار قبائلی آزادی غا جنگجو برسا مُنڈا غی برسی غی یا د مانہ جن جا تہ گورو دیوس منان غی علامت ہے۔ یاہ تقریب ”دھرتی آبا جن جا تہ گرام اُتکرش ابھیان“ غو اک حصو ہے۔ جہیڑی 15 نومبر تیں 26 نومبر 2024 تک منعقد ہون آلی مُلک گیر معلومات، تعلیم تے مواصلات آئی ای سی مہم ہے۔ جس غو مقصد قبائلی برادریاں نانہ باختیار بنانو ہے۔ تے سماجی، سیاسی، معاشی اور قانونی حقوق غا بارہ مانہ جانکاری دینو ہے۔ ڈی سی کشتواڑ راجیش کمار شون نے کشتواڑ تے کول کال غا علاقان غا عام لوکاں نانہ گھلی دعوت دتی ہے تے اُنہاں نانہ قبائلی برادری غی مخصوص ثقافت غو احترام کرن واسطے متی تعداد مانہ شرکت کرن غی ترغیب دتی ہے۔

اس غے نال ہی خبراں غو یوہ بلیٹن ختم ہوو۔